



Pleiv sogn Gions Mustér Rapport da gestiun 2015



Impressum

Editura: Pleiv s. Gions Mustér

Ediziun: 1000 exemplars

Fotografia 1. pagina: Sogn Bistgaun e sogn Roc - altar grond baselgia Segnas (G. Tenner)

Stampa: La Tuatschina, Sedrun

© 2016 Pleiv Sogn Gions Mustér

Invitaziun alla radunonza generala dalla Pleiv Sogn Gions/Mustér

Venderdis, ils 8 d' avrel 2016 allas 20.15 uras en halla communal a Cons/Mustér.

Tractandas:

1. Elecziun da dus dumbravuschs
2. Protocol dalla davosa radunonza generala dils 1 da matg 2015
3. Elecziuns:
 - a) president
 - b) ugau-baselgia s. Gions
 - c) president dil cussegl pastoral
 - d) commembers dil cussegl pastoral
 - e) revisur/a da quen
4. Rapport dil president dalla pleiv
5. Rapport dil cussegl pastoral
6. Rapport da quen: pervenda Sogn Gions
7. Rapport da quen: baselgia Sogn Gions
8. Rapport da quen: baselgia Segnas
9. Rapport da quen: baselgia Cavardiras
10. Rapport dils revisurs da quen e scarica alla suprastonza
11. Damonda da credit per la baselgia s. Antoni Cavardiras
12. Preventivs e fixar il pei da taglia
13. Orientaziuns
14. Undraziuns
15. Varia

La pleiv porscha a mintgin/a alla fin dalla radunonza in sempel refrestg.
Cordial invit a nossa radunonza generala.

Per la suprastonza dalla Pleiv Sogn Gions/Mustér:

Il president:
Linus Maissen

Il vicepresidente:
Gion Tenner

Protocol dalla radunanza generala dalla pleiv sogn Gions/Mustér

Venderdis, ils 1 da matg 2015 allas 20.15 uras en halla Cons/Mustér.

Tractandas:

1. Beinvegns ed elecziuns da dus dumbravuschs
2. Protocol dalla davosa radunanza generala dis 4 d'avrel 2014
3. Elecziuns:
 - a) plevon
 - b) ugadessa Cavardiras
 - c) commembers cussegl pastoral
4. Rapport dil president dalla pleiv
5. Rapport dil cussegl pastoral
6. Rapport da quen: Baselgia sogn Gions
7. Rapport da quen: Pervenda sogn Gions
8. Rapport da quen: Baselgia Segnas
9. Rapport da quen: Baselgia Cavardiras
10. Rapport dils revisurs da quen e scarica alla suprastonza
11. Preventivs e fixar il pei da taglia
12. Damonda da credit baselgia Segnas
13. Orientaziuns
14. Undraziuns
15. Varia

1. Beinvegns ed elecziun da dus dumbravuschs

Cun far in cordial beinvegns e citar cuortamein treis scenas ord duas historiettas arva president Linus Maissen la radunanza generala. In special beinvegns admetta el a nies plevon sur Georg Changeth ed ad avat Vigeli Monn, sco era als representants dalla vischnaunca da Mustér. Las perstgisas per questa sera vegnan comunicadas. La gliesta da tractandas vegn approbada senza amplificaziuns ni correcturas.

Sco dumbravuschs vegnan Andreas Arpagaus ed Ermelinda Casanova elegi.

2. Protocol dalla davosa radunanza generala dils 4 d'avrel 2014

Il protocol dalla radunanza generala dils 4 d'avrel 2014 ch'èi vegnius redregius, sco ils davos 12 onns, da nosa anteriura vicepresidente ed actuara Jris Lombris, vegn approbaus unanimamein senza objecziuns ni amplificaziuns.

3. Elecziuns:

a) plevon

Naven dils 14 d'avrel 2013 administrescha sur Georg la pleiv sogn Gions. Cun grond plascher savein nus comunicar ch'igl uestgiu sustegn, sin proposta dalla suprastonza dalla pleiv, la nominaziun da sur Georg Changeth sco plevon dalla pleiv sogn Gions Mustér.

Cun grond applaus vegn sur Georg elegius

unanimamein. Il president gratulescha ad el e communichescha che l'installaziun succedi pli tard cun ils suandonts plaids:

Car sur Georg, la pleiv sogn Gions selegra che Ti eis promts da surprender l'incarica da plevon e nus lein sustener Tei vinavon. Detti il Segner a Ti la dretga forza e la benedicziun per Tiu operar per nossa pleiv e regali el a Ti buna sanadad e bia contentientscha.

b) ugadessa Cavardiras

L'ugadessa da Cavardiras, Alexa Schuoler-Mathiuët, ch'è gia treis onns en suprastanza ei prompta da star vinavon en uffeci e vegn reelegida unanimamein pils proxims treis onns. Il president gratulescha per l'elecziun ed engrazia grondamein ad Alexa per la buna lavur.

c) commembers cussegl pastoral

Il president dil cussegl pastoral Gion Battesta Hosang communichescha ch'èl astgi legrevlamein far in beinvegni ad Angelina Tschuor ed Irena Huonder ed engrazia ad ellas pigl engaschi el cussegl pastoral. Ellas vegnan elegidas unanimamein cun applaus.

4. Rapport dil president dalla pleiv

Cun ils suandonts plaids da papa Gion il XXIII: „Jeu prefereschel da tener pass cun quel che va, enstagl da separar mei da quel e da riscar ch'ins mondi sper mei vi“ engrazia il president Linus Maissen a sur Georg ed tuts/as gidonters/as, a sur Pius, a sur Alexi, a sur Martin ed als paders dalla claustra che segidan en la pastoraziun. En quei senn e quei spèrt semuossa era l'instrucziun religiosa davart la catachesa e davart bia geniturs per rinforzar las petgas da nossa cardientscha. Cun il sustegn dil chor baselgia e buca il davos cun ils collegas da suprastanza sa il president Linus affimar in bien prosperar e luvrar ella pleiv sogn Gions. A tuts/as in cordial Dieus paghi persuerter. En in cuort momento seregondan ils parochians dils defuncts digl onn vargau. Linus numna persunalmein il defunct Meinrad Deflorin.

5. Rapport dil cussegl pastoral

President Gion Battesta Hosang presenta in bi maletg d'in affon ed ils plaids „Lachen ist die beste Medizin“ e rapporta detagliadamein sur dallas occurrenzas succedidas entras il cerchel liturgic, ch'èi responsabels per tuttas activitads en baselgia, ed entras il cerchel social-caritativ, che s'engascha per las senioras ed ils seniors da nossa pleiv. Gion Battesta beneventa en special las duas novas commembras, admitta in grond engraziament a sur Georg ed als aussegners gidonters, alla suprastanza dalla pleiv, alla secretaria Jris Lombris, allas calustras Agnes Deflorin ed Ottilia Hosang, a Rita Furger per purtar la s. communiun als malsauns, a tuttas persunas che s'engaschan e segidan, ed a tuts parochians che visetan ils survetschs divins, ils rusaris da morts e devoziuns. „Dieus gidi, pertgiri e protegi nus tuts.“

6. Rapport da quen: Baselgia sogn Gions

Il quen dalla baselgia parochiala sogn Gions siara cun in gudogn da frs. 4'983.00. Claudius Berther igl ugau baselgia drezza entgins plaids d'engraziament allas duas calustras cun lur gidonters mo era allas calustras da Sogn Placi per lur buna lavur e lur grond engaschi. In grond engraziament admitta el agl entagliader Christian Hendry per la biala lavur. Igl aungel entagliaius ord il best dalla plonta avon baselgia fa biala pareta.

7. Rapport da quen: Pervenda sogn Gions

Il quen dalla pervenda sogn Gions siara cun il gudogn da frs. 1'810.53. Ugau pervenda Willi Lozza dilucidescha ils detagls dil quen.

8. Rapport da quen: Baselgia Segnas

Il quen dalla baselgia Segnas siara cun in deficit da frs. 3'210.00. Gion Tenner ugau baselga declara il quen en tuts detagls. El engrazia grondamein alla calustra Barla Jacomet per la buna lavur prestada.

9. Rapport da quen: Baselgia Cavardiras

Il quen dalla baselgia Cavardiras siara cun in

deficit da frs. 2'503.40. Alexa Schuoler ugadessa Cavardiras explichescha detagliadamein il quen. Ella admetta in grond engraziament a sur Georg, a sur Alexi, alla organista Erica Steinacher, alla calustra Carmelina Pöhl, agl organist Marcel Pöhl ed a tuts consuprastonts per la buna collaboraziun.

10. Rapport dils revisurs da quen e scarica alla suprastonza

President Linus Maissen engrazia a tuts ugaus ed ugadessas dallas capluttas e baselgias per lur gronda lavur.

Revisur Romeo Schmed e revisura Graziella Di Bella proponan alla radunonza d'approbar tut ils quens presentai entras ils responsabels e dar scarica alla suprastonza cun admetter ad els in grond engraziament per la buna e seriusa lavur prestada. Tuts quens seigien menai schuber ed endretg. Tuts quens vegnan approbai unanimamein.

11. Preventivs e fixar il pei da taglia

Claudius Berther, ugau baselgia sogn Gions presenta il preventiv dalla baselgia parochiala sogn Gions cun in surpli d'expensas da frs. 9'950.00. Il preventiv vegn approbaus unanimamein.

Willi Lozza, ugau pervenda sogn Gions presenta il preventiv dalla pervenda sogn Gions cun in surpli d'entradas da frs. 1'400.00. Era quei preventiv vegn approbaus.

La suprastonza dalla pleiv sogn Gions ensemen cun ils revisurs da quen fan la proposta, da fixar il pei da taglia per igl onn 2016 sin 12% digl importo dalla taglia sempla dil cantun. Quella proposta vegn approbada unanimamein dils presents.

12. Damonda da credit baselgia Segnas

Ugau baselgia Gion Tenner damonda in credit da frs. 35'000.00 per reparaturas vid il tetg baselgia e per la renovaziun dil teschamber ch'ei en schliet stan. Escha, scaffas, glisch, plantschius, scaldament etc. ston vegnir sanai. Il credit vegn concedius unanimamein.

13. Orientaziuns

Sur Georg drezza als presents ils suandonts plaids: Caras parochianas e cars parochians, preziau avat Vigeli, preziada suprastonza, es ist mir eine grosse Freude, heute mit Euch zusammen zu sein und Euch von Herzen zu danken: Dieus paghi per l'impressiunonta elecziun sco vies plevon. Suenter ina liunga gliesta d'engraziament amplifichescha sur Georg: „Jeu sun fetg engrazieivels che tons carstgauns segidan cun mei ed jeu vegnel a rugar per tut mes gidonters e benefactors.

Nus mein cun glisch, carezia e pasch en nos cors da cuminonza el futur e rinforzein nossa cardientscha. Engraziel fetg per vossa presenza e per mia elecziun, Dieus benedeschi nus tuts!“

Linus Flepp, igl artist indigen, ha creau in niev logo per la pleiv sogn Gions. Il niev logo ei digitalisau ed ins sa contemplar quel sin la pagina d'internet sut pleivdisentis.ch.

Gion Tenner redegia la pagina d'internet e supplichescha da far diever dallas informaziuns sin la pagina.

President Linus Maissen recamonda als parochians da consultar il feagl official, nua ch'il program da messas vegn publicaus cun pliras informaziuns.

14. Undraziuns

President Linus communichescha: Cun ina undraziun lein nus engraziar, pertgei nus savein buca pagar tuts survetschs, denton renconuscher e remunerar els.

Oz havein nus negina undraziun speciala mo jeu less engraziar alla calustra da Cavardiras dunna Carmelina Pöhl ed a siu feagl Marcel per lur engaschi per la caplania da Cavardiras. Els fineschan lur activitads la fin da matg 2015.

La calustra da Disla, dunna Elisabeth Dermon festivescha ils 11 da matg siu 90avel anniversari ed il giubileum da 45 onns calustra dalla caplutta da Sogn Leci. La suprastonza dalla pleiv gratulescha cordialmein ed engrazia grondamein per quella buna lavur. L'undraziun vegn fatga persunalmein entras president Linus Maissen a caschun d'ina viseta a Disla.

Linus explichescha che mintg'onn sudess ei d'undrar:

- ils chors baselgia
- la musica ed ils tamburs
- la giuventetgna
- l'uniun da mummas cun tuttas accziuns sco lavar ora la baselgia, rorate, procurar pils vestgius da dumengia alva etc.
- catechetas e dils catechets pils survetschs divins specials sco dumengia alva, specialas messas, via dalla crusch eav.

15. Varia

President Linus dat liber la discussiun sut varia. Negin fa diever dalla caschun.

Linus communichescha ch'èl contonschi l'auter onn la vegliadetgna da 70 onns e quei seigi il motiv ch'èl stetti buca a disposiziun pil presidi. La perioda d'uffeci mondi alla fin igl onn 2016.

Il president siara la radunonza cun engraziar a tuts presents ed alla suprastonza.

Bugen envida el tuts cordialmein da star empauet da cumpignia tier in refrestg culs plaid:

„Bien appetit, stei si da legher.“

Per il protocol:

L'actuaera Corina Manetsch



Messa da Sontgalcau 2015

Rapport dil president dalla Pleiv s. Gions

Pleiv catolica

Il 8 da december 2015 ha papa Francestg aviart igl onn dalla Mumma dalla misericordia ed el medem mument eis el seregurdaus dalla fin dil secund concil dil Vatican avon 50 onns nua che papa Gion XXIII haveva tschentau Nossadunna el centrum. Papa Francestg ha aviart la porta ed animau nus d'entrar cun tut nos quitaus e nossas supplicas pertgei el vul che nus daventeien ina Baselgia viva. El ha detg en siu emprem scriver apostolic ed a caschun dil di mundial dallas medias ch'el elegi tier l'alternativa denter ina Baselgia che va sin la via e survegn problems e la Baselgia ch'ei malsauna entras seretren en sesezza senza dubi l'emprema varianta. Quella cuorta constataziun muossa che papa Francestg appelescha a nus da sesarver e realisar ina Baselgia moderna al temps e surmontar discrepanzas denter la basa ed ils responsabels digl uestgiu.

La pastoraziun

Las structuras da nossa pleiv e dallas pleivs vischinontas ein stadas 2015 tuttina ed ei ha dau negins spazis pastorals. Denton ha la baselgia cantunala decidiu in niev sistem da sustegn finanziel per las pleivs il qual vegn ad haver certas consequenzas sin las fusiuns dallas pleivs e pli tard forsa crear novas constellaziuns per las pastoraziuns. La Pleiv s. Gions ha aunc adina in ferm cerchel da fideivlas collaboraturas/fideivels collaboraturs (varga 80 persunas adempleschan in pign u pli grond pensum/uffeci per nossa pleiv e quei sur biars onns). Sco president partent lessel exprimer in dubel sincer Dieus paghi persuerter, sperond che quei bien spert da cuminonza da pleiv ch'ei promts da surprendre in'incarica resti vinavon. Engraziel fetg a tuts ed a tuttas ch'entscheivan, che continueschan ni che termineschan lur activitad.

Per cletg ha sur Georg (Dr. George Changeth) continuau era egl onn vargau cun grond entusiassem, carisma e moda fetg positiva da s'entupar cullas parochianas/culs parochians. El vul esser veramein

il pastur dallas olmas. En quei senn ha la Pleiv s. Gions saviu festivar l'installaziun dad el sco niev plevon en ina fetg biala rama. Duront la messa festiva cantada dil chor baselgia s. Gions ed in chor ad hoc da scolars e scolaras naven dalla 4. classa ensi ha sur Alfred Cavelti adempliu exemplaricamein sia funcziun sco decan e surdau simbolicamein la clav dalla pleiv a sur Georg e quei en preschientscha d'ina baselgia fullanada e da siu uestg Joshua Mar Ignathios ord l'India, nies avat Vigeli Monn e nos fetg fideivels augsegners sur Alexi Manetsch, sur canoni Pius Venzin, sur Martin Bearth, sur Sep Fidel Sievi e pader decan Bruno Rieder.

Accumpignau dall'uniun da giuventetgna e dils tamburs ein sur Georg e tuts evidai sco era ils parochians e las parochianas serendi en halla Cons tier in gentar da cumionza preparaus da nossas puras – ina festivitad fetg simpatica per pign e grond, ina fiasta externa che ha mussau ils ligioms denter la cuminonza da pleiv, la claustra e la vischnaunca, mo era denter las uniuns culturalas e da gimnastica. Quella sentupada en spert familiar e plein harmonia ei vegnida enramada da produczions da vaglia. Bugen ditgel cheu in grond Dieus paghi a tuts e tuttas. E cun quei che quei secapescha buca da sesez selubeschel d'engraziar per las produczions naven dalla musica e dils tamburs, dils chors baselgia s. Gions e Segnas, dalla uniun da constums, dalla gruppa da gimnastica, dalla gruppa da sault ord la retscha da sur Georg e dils plaids spontans. En quei engraziament lessel enserrar las fetg bunas relaziuns denter pleiv, claustra e vischnaunca, che ha mess a disposiziun gratuitamein la halla, sco era il cussegl pastoral che lavura adina davon ni davos las culissas. Possi quei spert da cuminonza accumpignar nies plevon sur Georg e sustener el en siu impurtont pensum pastoral. Cun sia tenuta positiva, mo era cul sustegn dallas parochianas e dils parochians che formeschan cun lur presenza e lur engaschi la cuminonza da pleiv, sco era cun la collaboraziun dalla suprastonza da pleiv ei ina

fetg buna continuaziun dalla pastoraziun en pleiv s. Gions garantida.

Legreivlamein ha la pleiv puspei astgau quintar cuagl agid digl anteriur plevon sur Alexi Manetsch ed a Segnas cuagl agid da sur Pius. Nus havein giu grond plascher ch'el ei restaus vinavon a Segnas e ch'el sa guder il bien meritau temps da pensiuin.

Sur Martin embellescha buca mo savens ils survetschs divins, mobein ei adina promts da far messa ni auters survetschs. A tuts treis schein nus in grond engraziament giavischond buna sanadad e la benedicziun da Diu duront lur temps da pensiuin bein meritau.

Igl onn ecclesiastic en pleiv

La presenza da nossa cuminonza cristiana da pleiv vegn pli e pli impurtonta pertgei quella svanescha pli e pli entras la profanisaziun dalla dumengia – quella stat pli e pli pauc el center dallas activitads religiusas cun la messa. Perquei ein las messas preparadas entras ils catechets/las catechetas da gronda muntada per nos affons per saver salvar era el futur nossa cuminonza cristiana en pleiv e vischnaunca. Bein semuossa quella tier las sepulturas entras la stedia participaziun da nies pievel. In grond “Dieus paghi” per quei segn cristian.

Ina autra fetg impurtonta basa per quella cuminonza cristiana vegn tschentada cun grond success dallas menadras dil Salid dil Segner pils affons denter 5 onns – 3. classa.

Ei la participaziun allas fiastas ecclesiasticas sco Dumengia alva, s. Gion Battesta aunc buna, ei la participaziun da nos affons tiels survetschs divins dalla dumengia prest allarmonta.

La veta religiosa da nossa pleiv (en vischnaunca) ha aunc ussa bunas ragischs, mo senza vuler dramatisar – ella pitescha per part – quei semuossa tier l'uniun da giuventetgna cun las paradas sco segn extern da nossa religiuin cristiana, mo era tiels chors baselgia e la societad da musica.

L'impurtonza religiusa en pleiv ei en nies temps plein hectica e savens senza gronda speronza dubla! Pér cu quels encardens d'oraziun e sentupada, da paus e ruaus mauncan, vegnin nus pertscharts da

quella rihezia. Perquei lein dar quita e sustener quels malgrad tuts segns da midada e selegrar sper las activitads menziunadas pils affons dils survetschs divins dalla dumengia, dallas pusseivladads da far oraziun, reflectar e sentupada sco ils priedis da cureisma e dil meins da matg.

Jeu less era menziunar tuttas activitads en pleiv e vischnaunca che sustegnan giuven e vegl, aschia era las occurrenzas meinsilas da cuntegn religius ni profan organisadas dil cerchel social-caritativ – tut purschidas che pretendan engaschi supplementar da biaras personas.

Las activitads e la collaboraziun cun la Claustra ein stadas vinavon intensivadas e dad in fetg bien spért da cuminonza, seigi quei duront la cureisma e duront il meins da matg cun ils differents priedis alternonts, cun la participaziun allas fiasta da s. Placi e Mumma dalla misericordia ed uonn entschatta october cun la messa comunabla a s. Gions cuagl entir convent. Dieus paghi per tuts survetschs per la pleiv e per la populaziun e vinavon in bien prosperar per la Claustra e per la renovaziun dalla baselgia s. Martin.

Nos defuncts

Mintgin ha siu agen pensum cheu sin tiara e quel finescha cul viadi vi en la perpetnadad. Nus che cartein alla levada savein mo sperar che tuts e tuttas anflien il ruaus perpeten en la glisch da Diu e ch'ei dat in seveser il giuvenessendi. Il zenn dalla mort ha stuiu annunziar 17 gadas la mort d'ina parochiana u d'in parochian ch'il Segner ha clamau per num. Malgrad la vegliadetgna splunta igl aunghel dalla mort ord vesta dils pertuccai savens bia memia baul. E tuttina ein lur vetas stadas cumplenidas ed il Signur da veta e mort ha taxau lur cuors da veta per ademplier. Nus tuts essan pelegrins cheu sin tiara e savein che negin da nus enconuscha l'ura dalla mort- ei savess pia tucclar nus tuts. Il davos survetsch a nos defuncts/nossas defunctas ei d'accumpignar els sin lur davos viadi terrester en santeri. Jeu less sutlingiar che cheu a Mustér vegnan ils defuncts accumpignai d'in numerus pievel da bara. In clar segn da sustegn viers las famiglias en malencurada, mo era in mussament d'engrazieivladad da nossa

cuminonza religiosa viers tuts merets dils trapassai. Bien engraziament per tala tenuta en nossa pleiv. Mintga parochiana e mintga parochian meritass ina cuorta menziun persunala sco segn da reconuschientscha. Quei ei denton buca pusseivel, mo nus savein tener tuttas e tuts en buna memoria. La Pleiv s. Gions less engraziar a tuts/tuttas per lur engaschi ella cuminonza da pleiv. Detti Dieus a tuts defuncts ed a tuttas defunctas la bein meritada pagaglia en Tschiel ed il ruaus perpeten.

Margreta Desax, Faltscharidas

7 da settember 1937 – 26 da matg 2015

Tochen la mort da sia sora Barla ha Margreta giu varga 15 onns ensemen cun ella bien quitau pil decorar e tgirar la paramenta dalla baselgia da s. Placi. Entginas onns han ellas duas schizun adempliu il post da caluster. La Margreta s'auda sco sia sora Barla tier quellas „bunas olmas” da nossa pleiv che fan en tutta tgeudad survetschs alla Baselgia ed alla pleiv. Nus savein ch'il Diu Tutpussent ha teniu quen da tuttas bunas ovras fatgas cheu sin tiara e semtgau la pagaglia ed in car seveser dallas duas soras en Tschiel. Nus engraziein da cor ad ella. Ella ruaussi en pasch!

Victor Candinas-Schnider

18 da schaner 1925 – 6 da fevrer 2015

Scolast Victor ei buca staus engaschus directamein tier la Pleiv s. Gions, mo el ei staus 35 onns el chor baselgia s. Gions ed ha aschia adempliu in impurtont pensum per il laud al Segner cun il cant baselgia. Senza talas persunas chein promtas da star fideivlas duront decennis als chors baselgia da nossa pleiv eis ei buca pusseivel d'embellir ils survetschs divins cun fetg bialas messas. Possi il Segner remunerar in tal engaschi, mo era quel da nos dus chors baselgia.

Engaschis en pleiv

Miu respect e mia stema viers igl engaschi da nos responsabels e nossas responsablas en tuttas baselgias e capluttas dalla Pleiv s. Gions ei carschius onn per onn. Senza il pli pign camond vegnan las perdanonzas, devoziuns e processions festivadas

ed il manteniment e schubergiar dils edificis organisaus e quei el bien spért da pleiv. Quei tut schabegia per gronda part el tselau, senza grondas demonstraziuns.

In auter fetg impurtont punct ei il beinreussir digl onn ecclesiastic entras numerusas persunas e gruppaziuns. Nies premurau president dil cussegl pastoral Gion Battesta Hosang ha menziunau cun raschun las impurtontas activitads, sutlingiond la lavur exemplarica e nunstunclenteivla da quellas collaboraturas/da quels collaboratur. Siu rapport (legi el!) ei bein extendius e quei fa grond plascher a mi demai ch'jeu less en miu davos rapport secundar ses plaids da reconuschientscha.

Special selubeschel da sutlingiar la gronda lavur dils 10 commembers e dallas commembras dil cussegl pastoral. Els adempleschan exemplaricamein lur incaricas per cuntentientscha da nossa pleiv. Ensemen cun sur Georg activeschan els adina puspei la veta en pleiv cun organiser differentas occasiuns, occurrenzas ed eveniments.

Ina enumeraziun placativa duei illustrar quella gronda lavur. Il cerchel liturgic organischescha:

- Nossadunna da candeilas
- Unfrenda da cureisma
- Priedis da cureisma
- Via dalla crusch
- Aperos
- Rogaziun federala
- Devoziun ed unczium per nossas senioras e nos seniors
- Messa da Sogn Hubert
- Salit da Nossadunna
- Adoraziun tgeua
- Survetsch divin da Sontgaclau
- Embellaziun dallas fiastas ecclesiasticas duront igl onn ora.

Las differentas gruppas suttamessas al cerchel liturgic lavuran grondius:

- La gruppa da devoziuns
- La gruppa dils rusaris da morts
- La gruppa dils ordinatur da sepultura

- La grupp per retscheiver la bara
- La grupp dil Salid dil Segner

Il cerchel social-caritativ

Sper il segidar cun las incaricas dil cussegl pastoral organischa il cerchel social-caritativ dapi decennis las sentupadas ed occurrenz per nos seniors/nossas senioras. Il davos onn ein quei stai: treis occurrenz pils trochists e jassists , il lotto tradiziunal, la devoziun tier Nossadunna Immaculata ad Aletta, il viadi ed ils dus gentars communabels.

Facit: tut quellas persunas formeschan cun augsegners, gidonters, calustras e catechetas, organists, organisaturs ed autras gidontras, secretariat, ugaus ed ugadessas il zenit da nossa pleiv e perquei exclomel aunc inagada a tuts/tuttas in grond Dieus paghi. En quei engraziament less jeu era enserrar il lavar ora la baselgia parochiala s. Gions e tut las autras baselgias e capluttas.

Petgas da nossa cardientscha

Tgi formescha la cuminonza da nossa pleiv el ravugl dalla Baseligia catolica? Nus parochians e parochianas che havein retschiert ils s. Sacraments (s. Batten, s. Communiun, s. Creisma).

Quella veta religiosa ei indispensabla per la pleiv. Mo quella sto haver ina continuaziun e quella san mo las generaziuns giuvnas garantir. Ellas ein las petgas futuras da nossa cardientscha catolica.

Igl onn vargau han 14 affons retschiert il sacrament dil s. Batten e 11 l'emprema s. Communiun. La finamira da quels sacraments ei da dar glisch e forza, mo era da segirar profundas ragischs cristianas en nossas famiglias.

L'instrucziun religiosa en scola ed en famiglia ei il fundament per ina futura veta cristiana dils affons. Cun la derasaziun d'in bien spért da convivenza e principis etics savess quella continuar en nossa giuventetgna. Aschia sa in spért cristian catolic el senn da nos dis fitgar pei tier nus per dar perdetga da nossa cardientscha.

Jeu sai mo repeter: A tuts geniturs, educaturs, catechetas/catechets, menaders s'auda in grond

engraziament per lur impurtonta lavur els fatgs dalla Bibla e per las preparaziuns dils s. Sacraments, per messas e devoziuns specialas – insumma pil bien exempel ch'ei d'immensa impurtanza e che ha gronda influenza.

Renconuschientscha ed engraziament

Jeu hai sespruau da descriver la cumplexitad dalla lavur pastoral en nossa pleiv, sperond che tuts parochians e tuttas parochianas seigien perschudi da quei fatg e sustegnien quei engaschi da varga 80 persunas.

Sur Georg viva per sia pleiv. El accentuescha siu engaschi cumplein cun luvrar da tutta forza per ina pleiv che viva per la perschasiun da nossa cardientscha. El vul ina pleiv moderna, denton cartenta sin basa dil plaid da Diu che pretenda in engaschi religius, quei ch'ei buca adina aschi lev el temps modern. Per quella lavur lessel exprimer ad el in grond engraziament, giavischond ad el la dretga direzia ed il dretg maun e ch'el resti aunc ditg en la pastoraziun dalla Pleiv s. Gions. En quel lessel era enserrar ils augsegners pensiunai sur Alexi Manetsch, sur canoni Pius Venzin e sur Martin Bearth, mo era ils paders e la liunga retscha da gidonters/gidontras davon e davos las culissas.

La suprazonza dalla Pleiv s. Gions ha sespruau da menar bein la barca da nossa pleiv.

Preziadas parochianas, preziai parochians.

En miu davos rapport lessel aunc inagada accentuar la nunstunclenteivla lavur fetg cumpetenta ed autonoma dils responsabels/dallas responsablas els differents ressorts en nossa pleiv:

In special e profund engraziament admittel a mes consuprastonts cun ils quals jeu hai luvrau fetg bugen, schend aunc inagada: jeu admirel la lavur fetg cumpetenta dad els/ellas naven da sur Georg, dils ugaus/dalla ugadessa baselgia, digl ugaus pervenda e dil president dil cussegl pastoral culs responsabels dils differents ressorts, dalla actura e da nossa versada secretaria. Agl ugaus baselgia Claudius Berther engraziel special per siu grond engaschi durant 7 onns. Sia ruasseivladad e tenuta

positiva ein stadas fetg d'engrau.

Duas fetg fideivelas persunas, quellas ch'jeu numnel las bunas olmas sur biars onns, bandunan il gremi dil cussegl pastoral. Giusep Duff-Caduff ei staus duront 17 onns in fetg premurau commember dil cerchel liturgic. Siu agid sco mistergner ed organisatur, mo era sia preschientscha cordiala tier tuttas occurrenzas ei stada da grond gudogn. Ils davos 9 onns ei Marie Luise Deflorin-Zazzi stada fetg activa el comite dil cussegl pastoral ed el cerchel social-caritativ. Sco versada anteriura hoteliera ha ella buca mo mirau bein per omisduas cassas, mobein era giu adina in bien maun e buna survesta per las occurrenzas, en special era per las activitads pils seniors/senioras. Preziau Claudius, preziau Giusep e prezia da Marie Luise, retschevei nies sincer Dieus paghi.

Caras parochianas e cars parochians – senza vossa participaziun alla veta religiosa savess nossa pleiv buca flurir. Demussei vinavon quei spért religius sco arma viers nies temps plein hectica e savens senza gronda speranza! Seigies pertscharts dils encardens d'oraziun e sentupada , da paus e ruaus en nossa pleiv – ina rihezia nunpagabla. Lein pia formar ina Baseligia catolica moderna nua che nossa giuventetgna e nos affons anflan lur dacasa religius. Sperond sin buna continuaziun da tuttas activitads. Engraziel alla claustra cun avat Vigeli alla testa, alla populaziun en general ed allas autoritads communalas per tutta collaboraziun e tut engaschi per la cuminonza cristiana.

Culs plaids introductivs dil rapport dil Salid dil Segner: „Sco'l suleagl che glischa eis ti Diu per nus“ ord la canzun dil cudisch „Selegra“ lessel calar miu davos rapport che finescha culs medems plaids sco ils onns vargai:

Ina cuminonza: pleiv – vischnaunca – claustra funcziuna mo cun sustegn vicendeivel e cun agid da bia gidontras e gidonters. In sincer e profund „Dieus paghi“.

Per la suprastonza dalla Pleiv Sogn Gions
Linus Maissen, president

Rapport dil cussegl pastoral dalla pleiv Sogn Gions

Cun grond plascher e gronda satisfacziun rapportel jeu sur dallas occurrenzas succedidas entras il cerchel liturgic ch'èi responsabels per tuttas activitads en baselgia ed il cerchel social-caritativ che s'engascha per las senioras ed ils seniors da nossa pleiv.

Ils 10 commembers e commembras dil cussegl pastoral sesprovan d'ademplier tut las incaricas per contentientscha da vus, caras parochianas e cars parochians. Miu rapport duei dar in sguard anavos sur dil curriu e passau.

Engraziar lessel jeu allas numerusas personas che segidan voluntariamein en differentas gruppas ch'èin suttamessas al cerchel liturgic, numnadamein: la gruppa da devoziuns, rusari da morts, retscheiver la bara, salid dil Segner, Rita Furger che porta la communion als malsaus, las lecturas e las ministrantas ed ils ministrants.

Ensemen cun sur Georg sespruein nus adina puspei dad activar la veta en pleiv cun organisar differentas occasiuns, occurrenzas e divers eveniments.

Il cerchel liturgic

Nossadunna da candeilas

Dumengia, igl emprendem da fevrer han puspei numerusas parochianas e parochians priu part alla benedicziun dallas candeilas avon casa da scola ed ein silsunter serendi en processiu en claustra per assister – ensemen cun il convent claustral – alla sontga messa. Ina biala processiu che nus lein mantener e promover vinavon.

Unfrenda da cureisma

Sco usitau havein nus rimnau l'unfrenda da cureisma en baselgia parochiala, en baselgia da Segnas ed en baselgia da Cavardiras. Ella ha purtau la biala summa da frs. 5'995.05. En num dall'organisaziun „Fastenopfer“ sco era en nies num engraziein nus a tuts donaturs persuerter.

Priedis da cureisma

Onn per onn han bials priedis da cureisma liug en claustra ella baselgia da Nossadunna. Avat Vigeli Monn e sur Georg ein adina promts da perdegar. Priedis cun buns patratgs accumpognan parochianas e parochians duront la cureisma.

Aperos

Ils usitai aperos da Dumengì'alva, messa da Sogn Hubert eav. vegnan organisai dil cerchel social-caritativ. Quei versau team presta onn per onn fetg buna lavur. Grond engraziament persuerter.

Rogaziun federala

La sontga messa celebrada da monsignur avat Vigeli allas 10.00 uras en claustra e la messa cantada dils chors reuni da Segnas e sogn Gions vegn beneventada.

La gruppa da devoziuns cun sur Georg, cun las lecturas Jris Lombris ed Alexa Schuoler ha procurau per ina profunda e commuentonta devoziun il suentermiezdi, era en preschientscha da numerus claustrals, en baselgia parochiala.

Devoziun ed uncziun per nossas senioras e nos seniors

In grond diember da senioras e seniors ha priu part en claustra alla biala devoziun preparada da sur Georg. Sur Alexi Manetsch ei era segidaus. Bien engraziament ad el persuerter. Curaschonts plaids han dau forza a nos attempai ed a tuts presents. Silsunter ha igl apero rinforzau olma e tgierp. Bien engraziament al team dalla claustra che ha surviu e pupernau nus tuts.

Messa da Sogn Hubert

L'usitada messa da Sogn Hubert ha giu liug uonn empau pli tard, numnadamein ils 12 da december allas 17.00 uras. Sur Georg, la secziun da catschadurs Pèz Alpetta e la gruppa dils sunacorns Badus procuran per ina atmosfera da

pasch e cuntentientscha. Catschaduras, numerus catschadurs e musicants sepresentan en lur bialas monduras da catscha, quei che dat ina tempru tut speciala. Ils bials e sonors tuns han delectau nos cors. Igl aperitiv ha silsuenter dau caschun a beinenqualin per in discuors e da guder in bien migiel vin. Engraziament a tuts che han priu part sco era al cerchel social-caritativ per la buna organisaziun.

Salit da Nossadunna

Onn per onn seregorda la gruppa da devoziuns, ensemen cun biaras parochianas e biars parochians en malencurada, da tut nos morts digl onn. Uonn ei la parentella dils moribunds vegnida envidada cun in scriver da prender part. Nus recumandain vinavon a tuts parents quella digna devoziun che ha giu liug ils 8 da november.

Adoraziun tgeua

L'emprema dumengia d'advent, ils 29 da november ei in grond diemer da parochianas e parochians da nossa pleiv serendius en baselgia per envidar ina candeila e per seprofundar en l'oraziun. Ina adoraziun individuala che vegn apprezzada.

Survetsch divin da Sontgaclau

Ils 5 da december ha la viseta da Sontgaclau priu sia entschatta en baselgia tier in survetsch divin festiv celebraus da sur Georg ensemen cun 7 Sontgaclus. In grond engraziament als geniturs che in stai presents cun lur affons. Las suitas da Sontgaclau sepresentan onn per onn. In special engraziament ad ellas. Lein mantener quei bi usit.

Il cerchel liturgic organischescha, segida ed embellescha nossas fiastas ecclesiasticas duront igl onn ora.

La gruppa da devoziuns cun Laurenzia Cajacob, Jris Lombris ed Alexa Schuoler organischescha pliras devoziuns.

Ils menaders dils rusaris da morts: Laurenzia Cajacob, Rita Furger, Laurenzia Gadola, Catarina

Steger e Benjamin Schuoler meretan in grond cumpliment ed engraziament pil nunstunclenteivel engaschi. Els procuran che la doloir dallas famiglias en malencurada vegn cheutras sminuida. Igl urar communabel pil trapassau vegn apprezzau grondamein dalla parentella.

Era als ordinaturs da sepultura Guido Deflorin ed Andreas Arpagaus in grond Dieus paghi per lur buna lavur bein organisada.

Retscheiver la bara

Ensemen cun la famiglia en malencurada recitescha la gruppa retscheiver la bara ina biala e levgiunta devoziun rinnada en in bi cudischet. Alla gruppa cun Marcellina Giger, Laurenzia Cajacob, Agnes Deflorin e Laurenzia Schnoz nies cordial Dieus paghi. Gest quei mument da doloir vegn cheutras levgius als pertuccai.

Rapport dalla gruppa „Salid dil Segner“

„Scoil sulegl che glischa eis ti Diu per nus“. Quella canzun ord il cudisch „Selegra“ ei stada uonn il pugn da partenza per la preparaziun dallas devoziuns culs affons. Il sulegl che sclarescha en nies mund e scaulda la tiara per che tut possi crescer e madirar, ei sco il Bab en tschiel. Il Bab en tschiel scaulda nos cors, el lai crescer en els carezia e speranza. La glisch dil Bab en tschiel meina e protegia nus, schizun el stgir dalla notg. Cul Bab en tschiel essan nus adina sin buna via. Cun quels patratgs ein ils affons s'occupai ell'emprema devoziun.

„Cu il sulegl leva, tochen chel va da rendiu. Nus ludein tei Segner Diu.“ Era quella canzun, tenor il psalm 113 (text adattau), ha accompignau ils affons tras las devoziuns. Enten crear in grond sulegl han ils affons formulau plaid da laud ed engraziament al Bab en tschiel per tut il bien che nus astgein retscheiver di per di entras geniturs e biars auters buns concarstgauns. Ella devoziun d'advent han ils affons udiu la historia da Nadal. Tgei che schabegia cu nus emblidein il Bab en tschiel e vesein mo pli nusezzi han ils affons evenimentau entras la historia dalla tuor da Babel. La historia da Bartimeus, nua che Jesus ha medegau Bartimeus da sia tschoccadad

ha gidau ils affons a capir co Jesus ei nossa glisch. Da Dumengia da palmas vegn Jesus beneventaus sco in retg a Jerusalem. Jesus leva denton buca esser in retg pussent. El leva enstagl survir als carstgauns e mussar ad els la via tier il Bab en tschiel. Sin nossa pagina dad internet www.saliddilsegner.ch san ins s'informar davart nossa gruppa da preparaziun, l'organisaziun ed ils datums dallas devoziuns. Plinavon san ins contemplar leu fotografias dallas devoziuns.

In cordial engraziament admettein nus a sur Georg, alla suprastanza dalla pleiv, alla secretaria Jris Lombris-Manetsch ed al Cussegl pastoral per il sustegn e la confidonza.

Per la gruppa dil Salid dil Segner, Corina Defuns.

Il cerchel social-caritativ

La menadra dil cerchel social-caritativ Laurenzia Schnoz rapporta:

A nossas sentupadas ed occurrenzas durant igl onn ora prendan biaras parochianas e biars parochians part. Quei fa a nus grond plascher ed animescha nus da continuar cun la lavur.

Al lotto tradiziunal dils 26 da fevrer el hotel La Furca ha in pulit diember da persunas priu part ed empruau siu cletg. Bials premis carmalan da prender part.

Il gentar communabel el hotel La Furca ei staus inagada dapli fetg buns e la honzeliadad dils possessurs e dil persunal vegn apprezzada.

Ils amitgs dil giug da jass e dallas troccas han era uonn anflau tensiun e cuort'uriala.

Treis occurrenzas han giu liug specialmein pils trochists e jassists. Cordial engraziament a vus tuts persuenter.

Bugen sperein nus vinavon che vus detties suatientscha a nossas invitaziuns. En num dalla gruppa dil cerchel social-caritativ selegrel jeu d'astgar solidar vus tier ina occasiun ni l'autra.

Devoziun tier Nossadunna Immaculata ad Acletta

La devoziun tier Nossadunna Immaculata ad Acletta, bein preparada entras nies plevon sur

Georg, ei stada frequentada fetg bein. Cordial engraziament persuenter. Las participontas ed ils participonts ein stai incantai ed in levgiament spiritual e religius ei semussaus.

La sentupada el Center da sanadad Puntreis tier in bien puschegn ed in scart troccas ni jass ei stada fetg amicabile.

Viadi cun nossas senioras e nos seniors

Il viadi dils 25 da zercladur el parc d'animals ad Arth Goldau ei staus frequentaus plitost paupramein. Il bien gentar – che ha gustau fetg bein – ha denton dau forza da cuntinuar nies viadi. Nus tuts havein gudiu in bi di en buna e legra cumpignia.

Gentar communabel per senioras e seniors

Sco usitau encounter la fin digl onn, uonn ils 26 da november, ha il gentar communabel tradiziunal el center Aua viva giu liug. Il cerchel social-caritativ cun la menadra Laurenzia Schnoz e la cassiera Marie Louise Deflorin, lur gidontras e gidonters organischan onn per onn quella biala e bein preparada occasiun. Il bien gentar carmala in bi diember da participonts. Bunas cuschinieras, buna servitud e la buna organisaziun cuntentan in e scadin. Il bien menu, in bien migiel vin sco era in bien dessert dattan forza a tgierp ed olma.

Era las troccas ed igl jass han buca muncau.

Preziadas parochianas, prezias parochians

Ina ga dapli ei bia lavur vegnida prestada. Cun in pign diember da commembers havein nus sespruau d'ademplier plirs giavischs. Tut ei forsa buca gartegiau. Cun vies interess, vies sustegn, cun vossa participaziun als survetschs divins e devoziuns, sco era cun vies engaschi en favur dalla baselgia e pleiv, segireis vus ina continuaziun dalla lavur dil cussegl pastoral. Per puder e saver ademplier aunc meglier nies pensum drova ei denton persunas ch'èin prontas da segidar cun nus. Novas forzas cun novas ideas e novs impuls ein adina beinvegnidas. Bugen stein nus a disposiziun per damondas e nus fussen fetg engrazievels d'astgar beneventar in ni l'auter en nies miez. Nies clom ha anflau resun tier dunna

Angelina Tschuor e dunna Irene Huonder chèn sedecaradas prontas da segidar cun nus. Speranza suondan ulteriuras parochianas e parochians quei legreivel agir dad ellas. Nus engrazien ordavon fetg persunter.

Engraziament

Mirond anavos sin igl onn vargau eis ei miu duer e plascher e miu giavisch d'engraziar grondamein a tut quellas persunas che han susteniu, segidau e cumpignau mei duront miu onn sco president dil cussegl pastoral. Alla fin da miu rapport admettel jeu personalmein ed era en num dils commembers a nies plevon sur Georg, ad avat Vigeli cun ses confrars dalla claustra, a sur Alexi Manetsch per la substituziun duront las vacanzas da sur Georg, a sur Pius ed a sur Martin per la concelebraziun als survetschs divins, a nos spirituals pensiunai in grond e resentiu engraziament per lur lavur.

Alla suprastonza dalla pleiv, alla secretaria Jris Lombris, allas calustras Agnes Deflorin ed Ottilia Hosang in grond e sincer engraziament per la buna e nuncuplicada collaboraziun. A dunna Rita Furger che viseta nos malsauns che selegran d'astgar retscheiver ina gada al meins la s. communiun, in sincer Dieus paghi. Era in grond engraziel a tuttas persunas che s'engaschan e segidan en las differentas gruppas. Engraziar lessel jeu era da tut cor a tut quels che han visitau ils survetschs divins, rusaris e devoziuns.

Ina gada dapli hai jeu saviu sefidar sils commembers dil cussegl pastoral che segidan nua chèn san e pon. Ad els in tut special engraziament. Nua chèi regia ina buna collaboraziun vegn era prestau buna e cuntenteivla lavur. In commember dil cussegl ha anflau ils suandonds plaids: „Nus essan in super team“.

Nies bien Diu gidi, pertgiri e protegi nus tuts.

Jeu giavischel a vus tuts mo il bien, bia cletg, cuntentientscha e perseveranza per la causa religiosa.

Mustér, mars 2016

Gion Battesta Hosang, president

Quen dalla pervenda da s. Gions per 2015

Expensas	2015	2014
	CHF	CHF
Salaris pleiv Mustér	263'999.30	264'648.70
salaris augsegners	80'812.65	71'400.00
salaris persunal gidonter	74'456.80	73'115.90
substituziuns	1'440.00	3'440.00
ductrina	60'748.85	67'430.60
giuventetgna Cadi	11'197.90	10'880.70
SVS assicuranza sociala	11'824.40	12'718.35
indemisaziun suprastonza	11'855.00	11'541.00
segiradas d'accident	2'686.30	2'461.45
cassa da pensiun	7'637.40	7'575.00
instrucziun da lungatg	1'340.00	4'085.70
Contribuziuns	15'600.00	13'100.00
diversas contribuziuns	600.00	100.00
baselgia s. Gions	10'000.00	8'000.00
cussegl pastoral	4'000.00	4'000.00
instituziuns culturalas	1'000.00	1'000.00
Casas pervenda/schischom	47'975.20	18'132.30
manteniment	22'964.50	3'251.65
mobiliar ed indrezs	5'463.75	99.80
taxas annualas	1'563.70	1'602.40
manteniment indrez	3'709.55	3'591.05
electricidad casas pervenda	1'253.65	1'252.75
ieli casa pervenda	2'981.35	5'423.10
segiradas casa pervenda nova	939.30	930.55
segiradas casa pervenda veglia	461.45	465.80
segiradas schischom	47.20	48.00
perimeter Via Sogn Gions	8'590.75	1'467.20
Caplania Segnas	20'530.95	20'117.35
salaris persunal gidonter	18'385.20	17'936.40
taxas annualas	632.65	657.80
SVS assicuranza sociala	717.75	740.25
segiradas d'accident	72.85	69.40
segiradas casa pervenda	722.50	713.50
manteniment casa pervenda	-	-
Caplania Cavardiras	19'707.90	13'758.15
salaris persunal gidonter	10'521.50	10'394.60
taxas annualas	497.50	540.05
SVS assicuranza sociala	884.85	197.25

segiradas d'accident	187.65	53.35
mantenimet baselgia S.Antoni	5'000.00	
segiradas casa pervenda	218.85	222.30
manteniment casa pervenda	2'397.55	2'350.60

Diversa	126'431.27	14'242.32
material da biro	1'987.55	643.65
apparaturas da biro	1'084.50	398.00
indrez da fotocopiar	2'641.04	2'319.09
access internet	831.80	764.60
spesas da banca	125.44	174.74
telefon	1'545.60	1'621.30
francaturas, porto	631.85	690.00
divers regals / occurrenzas	1'164.20	964.30
donaziuns	100.00	1'363.40
rapport annual	1'943.05	1'573.55
archiv	570.00	990.00
radunonza generala	1'391.15	1'057.95
diversas expensas	1'446.34	1'219.34
taxas radio e televisiun	448.25	462.40
amortisaziuns	110'520.50	
Total expensas	494'244.62	343'998.82

Entradas	31.12.15	31.12.14
Taglias / contribuziuns	488'863.45	338'075.45
taglia pleiv	335'531.60	330'575.45
baselgia catolica dil cantun Grischun	52'424.00	
taglia alla Fontauna cantun Grischun	31'907.85	
vendita casa pervenda veglia	69'000.00	
vischnaunca/ductrina	-	7'500.00
Tscheins	6'892.35	7'733.90
tscheins activs	675.75	918.00
tscheins casa pervenda Cavardiras	4'200.00	4'800.00
tscheins schischom	638.00	641.00
tscheins parcadis Sut-Gliendas	1'200.00	1'200.00
diversas entradas	178.60	174.90
Total entradas	495'755.80	345'809.35

Total expensas	494'244.62	343'998.82
Total entradas	495'755.80	345'809.35
Surpli entradas/expensas	1'511.18	1'810.53

Bilanza dils 31 da december 2015

Activas	31.12.15	31.12.14
	CHF	CHF
Total mieds finanziaals	539'778.61	404'864.03
contocurrents	39'078.16	11'119.83
contos da spargn	461'782.80	373'293.60
daner da termin	20'000.00	20'000.00
assegn Banca Raiffeisen Cadi	200.00	200.00
taglia anticipada	217.65	250.60
emprest sur Georg	18'500.00	
Total mieds administrativs	6.00	110'365.50
casa pervenda	1.00	1.00
casa pervenda veglia	-	1.00
casa pervenda Segnas	1.00	11'098.85
casa pervenda Cavardiras	1.00	1.00
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	1.00	59'261.65
caplutta S. Clau Mumpé-Tujetsch	-	20'000.00
orgla baselgia Segnas	-	20'000.00
Total activas	539'784.61	515'229.53
Passivas		
total capital jester	2'294.50	4'250.60
passivas transitoricas	2'294.50	4'250.60
total capital agen	537'490.11	510'978.93
capital agen	510'978.93	509'168.40
reserva casa pervenda	25'000.00	
sperdita/gudogn	1'511.18	1'810.53
total passivas	539'784.61	515'229.53

Quen dalla baselgia parochiala s. Gions 2015

Entradas	2015	2014
	CHF	CHF
unfrendas	15'585.85	20'702.40
donaziuns	612.65	200.00
contribuziun pleiv s.Gions	10'000.00	8'000.00
contribuziun fondo messas fundadas	10'000.00	10'000.00
diever baselgia, concerts etc.	1'550.00	792.40
tscheins dretg alp Cristallina	350.00	350.00
vendita cudischs	481.00	685.00
diversas entradas	60.10	-
restituziun taglia anticipada	315.00	691.25
tscheins capital	586.45	595.50
Total entradas	39'541.05	42'016.55

Expensas		
uorden per il survetsch divin	1'922.11	2'015.80
embelliment dalla baselgia (flurs, candeilas)	2'525.40	2'154.65
assicuranza da baghetgs	2'985.70	3'074.55
assicuranza digl inventar	3'002.05	2'796.05
energia, scaldament, glisch	6'708.95	6'012.65
cudischs	673.91	2'337.15
publicaziuns Fegl official etc.	1'158.60	1'134.00
abonnements per man. d'apparaturas	1'191.80	1'166.80
divers quens da reparaturas e manteniment	7'179.55	7'888.05
aaultplidaders novs	10'750.30	-
perimeter via sogn Gions	1'146.70	-
honorar ordinatur	1'125.00	500.00
contribuziun ministrants	500.00	500.00
contribuziun chor baselgia	2'000.00	2'000.00
taxas da rumians, canalisaziun ed aua	1'954.20	1'954.20
diversas expensas	4'493.15	3'395.15
spesas da banca, portos	71.35	104.50
Total expensas	49'388.77	37'033.55

total entradas 2015	39'541.05	42'016.55
total expensas 2015	49'388.77	37'033.55
surpli expensas 2015	-9'847.72	4'983.00

Bilanza per ils 31 da december 2015

Activas		31.12.15	31.12.14
		CHF	CHF
conto current nr. 11079.72		47'144.19	56'991.91
daner a termin nr. 11079.20/1290	20.01.2012 - 20.01.2019	40'000.00	40'000.00
daner a termin nr. 11079.20/1640	07.11.2013 - 07.11.2020	30'000.00	30'000.00
Total activas		117'144.19	126'991.91
Passivas			
capital agen		126'991.91	122'008.91
sperdita		-9'847.72	4'983.00
Total passivas		117'144.19	126'991.91
Moviment dalla facultad 2015			
facultad ils 31.12.2014		126'991.91	122'008.91
facultad ils 31.12.2015		117'144.19	126'991.91
sminuziun dalla facultad per 2015		-9'847.72	4'983.00

Quen dalla baselgia s. Bistgaun e s. Roc Segnas 2015

Entradas	2015	2014
	CHF	CHF
unfrendas	4'940.00	4'624.90
donaziuns	628.00	1'500.00
contribuziuns fondo messas fundadas	45'000.00	
diversas entradas	120.00	23.001
tscheins capital	46.35	401.50
contribuziun cassa da candeilas	1'121.35	1'040.70
Total entradas	51'855.70	7'798.10
Expensas	2015	2014
uorden per survetsch divin	965.22	3'188.50
embelliment dalla baselgia	367.85	
assicuranza da baghetgs	706.60	727.65
assicuranza d'inventari	649.50	605.90
scaldament	1'390.40	2'417.40
energia per glisch ed installaziuns	403.45	488.05
cudischs		440.00
publicaziuns feagl official		354.80
servis d'orgla e tuchiez, porta-lautga	5'216.65	728.00
diversas reparaturas	4'832.10	194.40
taxas da rumians, canalisaziun, aua, polizia da fug	438.35	438.35
spesas da banca, porti	9.00	205.05
viadi ministrants		300.00
indemisaziuns per leger messas		920.00
Total expensas	14'979.12	11'008.10
Total entradas	51'855.70	7'798.10
Total expensas	14'979.12	11'008.10
Surpli entradas	36'876.58	-3'210.00

Bilanza per ils 31 da december 2015

Activas	31.12.15	31.12.14
	CHF	CHF
conto da spargn Banca cantunala	276'305.45	243'643.55
conto da spargn Banca Raiffeisen	8'685.03	4'885.55
taglia anticipada	140.10	140.10
transitoricas activas	415.20	
Total activas	285'545.78	248'669.20
Passivas		
capital agen all'entschatta digl onn	248'669.20	251'879.20
surpli entradas	36'876.58	-3'210.00
Total passivas	285'545.78	248'669.20
Moviment dalla facultad 2015		
facultad ils 31-12-2014	248'669.20	251'879.20
facultad ils 31-12-2015	285'545.78	248'669.20
augmentaziun dalla facultad per 2015	36'876.58	-3'210.00

Quen dalla baselgia s. Antoni Cavardiras 2015

Entradas	2015	2014
	CHF	CHF
unfrendas statua da Sogn Antoni	4'636.30	5'448.65
candeilas	5'594.85	6'068.75
tscheins activs	975.15	1'653.80
diever dalla baselgia (nozzas)	–	100.00
restituziun vischnaunca (electricidad tualetta)	300.00	300.00
total entradas	11'506.30	13'571.20
Expensas		
energia, scaldament, glisch	3'041.90	3'423.70
assicuranzas	1'583.95	1'569.15
taxas annualas; aua, rumians	494.20	405.75
candeilas, devoziunalias	2'844.90	2'763.90
spesas da banca	8.00	8.00
manteniment orgla	325.00	325.00
manteniment tuchiez	302.40	3'807.00
manteniment baselgia	1'575.00	1'750.55
manteniment paramenta	–	25.00
embelliment baselgia	1'116.15	968.90
diversas expensas	256.60	550.55
festivitat da Sogn Antoni	406.50	477.10
total expensas	11'954.60	16'074.60
Total entradas 2015	11'506.30	13'571.20
Total expensas 2015	11'954.60	16'074.60
Surpli expensas 2015	-448.30	-2'503.40

Bilanza per ils 31 da december 2015

Activas	31.12.15	31.12.14
	CHF	CHF
conto da commembers	64'932.48	63'747.78
conto current	2'178.55	3'601.55
daner a termin	100'000.00	100'000.00
daner a termin	60'000.00	60'000.00
assegn Banca Raiffeisen	200.00	200.00
taglia anticipada	301.70	511.70
Total activas	227'612.73	228'061.03
Passivas		
capital agen	228'061.03	230'564.43
sperdita	448.30	2'503.40
Total passivas	227'612.73	228'061.03
Moviment dalla facultad 2015		
facultad ils 31-12-2014	228'061.03	230'564.43
facultad ils 31-12-2015	227'612.73	228'061.03
sminuziun dalla facultad per 2015	-448.30	-2'503.40

Facultad dils fondos da baselgias e capluttas

	2015	2014
Baselgia parochiala s. Gion Battesta		
Ugau: Claudius Berther		
fondo baselgia s. Gions	117'144.19	126'991.91
fondo messas fundadas s. Gions	238'668.99	245'392.74
Baselgia s. Bistgaun e s. Roc, Segnas		
Ugau: Gion Tenner		
fondo baselgia	285'545.78	251'879.20
fondo messas fundadas	58'562.25	104'006.80
Baselgia s. Antoni, Cavardiras		
Ugadessa: Alexa Schuoler		
fondo baselgia	227'612.73	228'061.03
fondo messas fundadas	49'314.44	49'339.83
Baselgia s. Placi		
Ugau: Claudius Berther		
fondo baselgia s. Placi	29'742.75	29'322.40
Baselgia s. Gada		
Ugau: Claudius Berther		
fondo baselgia s. Gada	313'515.89	311'901.29
Baselgia da Nossadunna, Acletta		
Ugau: Corsin Maissen		
fondo baselgia	29'352.10	37'585.45
Caplutta Sontgaclau, Mumpé Tujetsch		
Ugau: Manetsch Sigisbert		
fondo caplutta	26'871.75	29'177.75
Caplutta s. Valentin, Mumpé Medel		
Ugau: Baseli Jacomet		
fondo caplutta	23'266.85	23'079.10
Caplutta s. Antieni, Pardomat		
Ugau: Christian Duff		
fondo caplutta	17'746.80	17'608.45

Caplutta s. Leci, Disla		
Ugau: Max Deplazes		
fondo caplutta	6'171.76	2'977.41
Caplutta s. Giachen, Cuoz		
Ugau: Adrian Deflorin		
fondo caplutta	35'073.50	34'913.90



Niev teschamber ella baselgia a Segnas

Rapport dils revisurs

Ella seduta dils 26 da fevrer 2016 havein nus, tenor incarica digl artechel 28 dalla constituziun dalla pleiv Sogn Gions, repassau ils quens ed il menaschi finanziel dalla pervenda, dalle baselgias e dalle capluttas dalla pleiv per igl onn 2015.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidas decididas dalla suprastonza tenor las cumpetenzas dalla constituziun.

Sin basa da nossas controllas fagein nus alla radunonza generala las suandontas propostas:

- a) d'approbar la bilanza e quen administrativ per ils 31 da december 2015 dalla pervenda, dalla baselgia parochiala s. Gions, dalle caplanias Segnas e Cavardiras e dalle capluttas tenor las cefras presentadas;
- b) da dar scarica alla suprastonza ed als funcziunaris;
- c) d'exprimer in meritau engraziament alla suprastonza, als augsegners ed a tuttas ugadessas/ tuts ugaus per lur nunstunclenteivel engaschi.

Mustér, ils 26 da fevrer 2016

Ils revisurs: Graziella Di Bella e Romeo Schmed

Preventiv dalla pervenda da s. Gions per 2016

Entradas	2016	
	CHF	CHF
Salaris pleiv Mustér		281'700.00
salaris augsegners	83'000.00	
salaris persunal gidonter	74'150.00	
substituziuns	7'000.00	
giuventetgna CADI	11'750.00	
contribuziun per ductrina	60'000.00	
contribuziun SVS	15'000.00	
indemnisaziun suprastonza	11'000.00	
segiradas d'accident e malsogna	3'000.00	
cassa da pensiun	11'800.00	
instrucziun da lungatg	5'000.00	
Contribuziuns		13'500.00
diversas contribuziuns	500.00	
baselgia s. Gions	8'000.00	
contribuziun al cussegl pastoral	4'000.00	
contribuziun camps Cadi	1'000.00	
Casa pervenda/schischom		24'500.00
manteniment casa pervenda	6'000.00	
manteniment indrez casa pervenda	5'000.00	
perimeter via sogn Gions	6'000.00	
segiradas, diversas taxas casa pervenda	1'500.00	
divers cuosts da schischom	500.00	
ieli casa pervenda	4'000.00	
electricidad casa pervenda	1'500.00	
Caplania Segnas		25'250.00
salaris persunal gidonter	18'850.00	
assicuranzas, diversas taxas annualas	1'500.00	
contribuziun SVS	1'400.00	
segirada d'accident e malsogna	500.00	
manteniment casa pervenda	3'000.00	
Caplania Cavardiras		14'750.00
salaris persunal gidonter	10'100.00	
assicuranzas, diversas taxas annualas	700.00	
contribuziun SVS	800.00	
segirada d'accident e malsogna	150.00	
manteniment casa pervenda	3'000.00	

Diversa		17'800.00
material da biro	800.00	
apparaturas da biro	2'500.00	
indrez da fotocopiar	3'000.00	
access internet	800.00	
francaturas	1'000.00	
telefon	2'000.00	
radio e televisiun Billag	500.00	
spesas da banca	200.00	
radunonza generala	1'500.00	
cuosts da publicaziun	2'000.00	
archiv	1'000.00	
diversas expensas	2'500.00	
Total expensas		377'500.00

Entradas		
taglias / contribuziuns		373'200.00
taglia pleiv	290'000.00	
Cantun Grischun taglia alla fontauna	30'000.00	
baselgia catolica dil cantun Grischun	52'000.00	
vischnaunca/ductrina		
pleiv Medel per ductrina	1'200.00	
tscheins		4'750.00
tscheins activs	500.00	
tscheins casa pervenda Cavardiras	3'600.00	
tscheins schischom	650.00	
Total entradas		377'950.00

Total entradas per 2015	377'950.00	
Total expensas per 2015	377'500.00	
Surpli entradas 2015	450.00	

Mustér, ils 8 da november 2015
Willi Lozza, ugau pervenda

Preventiv dalla baselgia parochiala s. Gions per 2016

Entradas	2016
	CHF
unfrendas	16'000.00
contribuziun pleiv s. Gions	8'000.00
fondo messas fundadas	10'000.00
tscheins dretg alp Cristallina	350.00
diever baselgia, concerts etc.	500.00
tscheins da capital	600.00
restituziun taglia anticipada	300.00
Total entradas	35'750.00

Expensas	2016
uorden per il survetsch divin	2'200.00
embelliment dalla baselgia parochiala	2'000.00
assicuranza da baghetgs, inventar e responsabladad	6'000.00
energia, scaldament e glisch	6'200.00
publicaziuns, cudischs	1'700.00
abonnements per manteniment d'apparaturas	1'200.00
honorar ordinaturs	800.00
contribuziun chor baselgia	2'000.00
taxas da rumien, canalisaziun, aua e fiug	2'000.00
reparaturas e manteniment	5'000.00
perimeter via sogn Gions	2'000.00
contribuziun ministrants	500.00
diversas expensas	2'500.00
Total expensas	34'100.00

total entradas 2016	35'750.00
total expensas 2016	34'100.00
surpli entradas 2016	1'650.00

Mustér, ils 2 da november 2015
 Claudius Berther, ugau baselgia

Fixaziun dil pei da taglia per 2017

La suprastanza dalla Pleiv sogn Gions ed ils revisurs da quen proponan alla radunonza generala dalla Pleiv sogn Gions/Mustér da fixar il pei da taglia sco suonda:

Per igl onn 2017 duei il pei da taglia restar sco per 2016 sin 12% digl importo dalla taglia sempla dil cantun.

www.pleivdisentis.ch

Gia dapi plirs onns ei la Pleiv sogn Gions era presenta egl internet. Sper ina vasta collecziun da texts historics anfleis Vus dapi il november 2012 leu era igl urari dallas messas, las annunzias da mort, sco ulteriuras informaziuns davart nosssa pleiv.



Fiasta d'installaziun da sur Georg. Decan sur Alfred Cavelti surdat simbolicamein la clav-baselgia.

Officials dalla pleiv sogn Gions

1. Suprastonza dalla Pleiv Sogn Gions/Mustér:	
Maissen-Desax Linus, president	
Georg Changeth, plevon (ex off.)	
Berther Claudius, ugau-baselgia s. Gions	
Hosang Gion Battesta, president dil cussegl pastoral	
Lozza Willi, ugau-pervenda	
Manetsch Corina, actua	
Schuoler Alexa, ugadessa-baselgia Cavardiras	
Tenner Gion, vicepresidente ed ugau-baselgia Segnas	

2. Revisurs da quen:	
Graziella Di Bella–Flepp	
Romeo Schmed	

3. Ugaus-caplutta:	
Acletta	Maissen Corsin
Cuoz	Deflorin Adrian
Disla	Deplazes Max
Madernal	Claustra Mustér
Mumpé Medel	Jacomet Baseli
Mumpé Tujetsch	Manetsch Sigisbert
Pardomat	Duff Christian
Sogn Placi	Berther Claudius
Sontga Catrina	Condrau Giusep
Sontga Gada	Berther Claudius

4. Commembers dil cussegl pastoral dalla Pleiv Sogn Gions:	
1. Comite	
Georg Changeth, plevon (ex off.)	
Hosang Gion Battesta, president	
Lozza Willi, vicepresidente	
Deflorin Marie Luise, cassiera	
Schnoz Laurenzia, assessura	
2. Cerchel liturgic	3. Cerchel social-caritativ
Buschor Josef	Schnoz Laurenzia, menadra
Caduff-Kneidinger Giusep	Deflorin Marie Luise
Casanova Ermelinda	Huonder Irene
Duff Giusep	Tschuor Angelina



*Uestg Josua dall' India salida ils presents
ed admetta ils meglers auguris*

Ina gronda raspada ha fatg fiasta cun sur Georg



P.P.

7180 Disentis/Mustér

DIE POST 